

萬曆

泉州府志

第七冊

十六至十七卷

泉州府志卷十六

人物志上之下

列傳

今世譚吾郡人物者首歐陽四門謂韓胃
延關與海內英傑耳夫蘊積負奇之士必致身
難高遠聖代而英傑乃顯然非藉紀載則名義
滅為別其他自歐陽光生而後郡知名士
歷世寔盛則茲編也固仰止之恩所寄也士

唐

歐陽詹字行周晉江潘湖人父溫州長史兄謨安
固丞詔潮州司倉詹自孩時即不與眾童親狎每
見河山景況心獨娛之常執一編忘歸未甚識文
字隨人而問或有契心移日自得吟嘯不上自此

身州月
操筆屬詞率人所未到建中貞元之時其文詞崛
興甌閩之間惟知有詹也會故相常衮爲閩觀察
使特推拔詹宴集必延致同席詹之聲騰江淮達
於京師矣陸贄知貢舉搜羅天下文士詹與韓愈
李觀李絳崔群王涯馮宿庾承宣聯第皆天下之
選人號爲龍虎榜詹授四門助教時韓愈爲徐州
從事朝正京師詹將率其徒伏闕下舉愈爲博士
未幾卒年四十餘詹事父母孝與朋友信義其卒
也崔羣哭之甚韓愈爲哀詞李翱爲傳有文集十
卷李貽孫序之謂其新無所襲才未嘗困精於理

故言多周詳切於情故敘事重複宜司當代文柄
以變風雅今刻在郡齋集中與邑士王式書稱州
里從遊之士如吳播薛壽鄭簡康暉王雲卿與武
皆博雅明達君子其文行皆不可考子儼微有文
孫漸能詩俱蚤歿從子秬

歐陽秬字降之工文詞開成三年進士吳人陸渢
自右拾遺棄官歸隱召除司勳郎中既至無所建
明秬遺書讓之其言切直人擬之爭臣論渢得書
復棄官還秬名益聞里人蕭本妄言與貞獻太后
近屬恩寵殊然秬耻之會澤潞劉從諫表秬在幕

府。拒爲辨質蕭本之僞本。竟得罪。後劉從諫子積
拒命。拒方休暇還家。積表指斥時政。或言拒所爲
詔流崖州。賜死。臨刑神色不撓。爲書遍謝故人。自
誌其墓。人皆憐之。

許稷字君苗。祖輔。乾爲泉州刺史。卒。父琳。文家。子蕭
稷。復徙泉。少與陳舍人詡等會飲。詡語輕之。稷投
盃入終南山。隱學三年。出就府薦。遂舉。貞元十八
年。進士。歷官比部尚書。卽終。衡州刺史。稷工詩歌。
與歐陽詹林藻友善。嘗爲江南春三首。詞甚綺麗。
久傳頌之。

李稠晉江人以明經及第擢進士爲御史以耿直稱累官工部尚書

陳嘏字錫之晉江人開成三年進士以詞賦擅時名尤工篆隸官刑部郎中宣宗奇其才曰琬琰器也將大用之以疾卒

盛均字之才永春人聰穎超邁文名一時大中十一年進士舍人皇甫煥辯博自雄每賓客及門置酒延坐廣引發難辭曰爲證事屈者多不終席自引去惟均酬答如響時謂勍敵嘗病白氏六帖疏畧廣爲盛氏十二帖囊括經史貫穿百家頗資時

賢所好仕終昭州刺史著述甚富其存者有真龍
對孔子不歷聘解人早解等篇載唐文粹

謝脩字升之同安人自廣明西幸人多忍耻事虜
獨脩遁跡必俟光啓廻鑾廼出登文德元年進士
第脩詞藻過人時輩推許所居之山因名文圃
王虬字希龍南安人天順元年進士時新克復長
安一榜號爲得人未幾卒虬爲文新奇有文集十
卷行世

黃曄南安人累舉不第有文聲所交皆當世名賢
初下第歸郡牧烏重儒以女妻之爲築十里沙堤

直抵其廬夾植刺桐間里榮之號秀才堤後就辟
天德軍從事尋中飛語黜相陰令舍人劉三復以
無暮封教俱以詩送之未幾卒

王肱字用輔晉江人爲文好譏刺當世以是累舉
不第嘗著濟狀一篇言濁河貫清濟濟詰其浹涸
時甚奇之又有無題古詩一百三十首辭多悽惋
五代

陳保極永春和風里人唐天成三年進士及第再
中詞科後唐長興三年授大理評事充武義軍節
度掌書記天福七年授尚書左司員外郎弟元亮

亦仕江南俱以才學名後主稱爲二英五代間陳
元愷作永春建縣記有云陳職方名捷梁園陳行
軍聲騰江左蓋美保極兄弟也

康仁傑晉江人喜儒學工詩因遊江淮南唐陳德
誠薦至金陵唐主召問土俗對答無滯授鄂州文
學補溧陽簿素性清儉門無私謁終汾陽令

宋

曾會字宗元晉江人端拱二年進士第二人廷試
日未晏卷上秦御時蜀人陳堯叟亦有俊譽上覽
二人文藻敏給不相差亞釋褐並授光祿寺丞直

史館謁告還朝以親老願補郡遷殿中丞知宣州
進士起家之榮前後未有也祥符末由三司判官
出爲兩浙轉運使丁謂建錢塘捍江之役以發運
使領其事要璫涖之發卒萬餘斬木伐石傾蕩山
谷中外無敢言者會已解漕職奏列其狀有旨中
罷歷真宗仁宗世凡出入四十五年歷典七郡止
刑部郎中集賢殿修撰知明州卒子公度公亮公
度祥符八年進士

曾公亮字明仲少客京邸有客泣隣舍甚悲公亮
問故客欷歔久之曰適負官錢鬻女於商分途有

日愴然悲耳問其直曰四十萬公亮曰商人轉徙
無恒何如鬻我客曰所甘心也公亮如數與錢約
曰吾且登舟某日以女來客如期往解纜者三日
矣天聖二年進士第五人知會稽縣泄湖之溢使
旁湖田無水患入爲國子監直謝改諸王府侍講
歲滿當用故事試館職獨獻所爲文援集賢校理
天章閣侍講知制誥無史館修撰爲翰林學士判
三班院三班吏叢猥非賕謝不行貴游子弟多倚
勢請謁公亮擬前後章程視以從事吏無所措手
以端明殿學士知鄭州盜悉竄他境至夜戶不閉

有使客亡橐移書詰盜公亮報吾境無盜殆從者之謬耳索之果然復入爲翰林學士知開封未幾擢給事中叅知政事加禮部侍郎除樞密使嘉祐六年拜吏部侍郎同中書門下平章事集賢殿大學士公亮更踐久明習朝廷臺閣典籍首相韓琦每咨訪焉仁宗末年與琦共定建儲之議英宗卽位加中書侍郎無禮部尚書尋知戶部尚書帝不豫遼使至不能見命公亮宴于館使者不赴公亮責之曰錫宴不赴是委君命于草莽也人主有疾必使親臨於使安乎使者廼就席神宗卽位加門

下侍郎兼吏部尚書熙寧二年進昭文館大學士
累封魯國公以老避位三年九月拜司空兼侍中
河陽三城節度使集禧觀使明年起判永興軍先
是慶卒叛既伏誅而餘黨越佚自陝以西皆警備
舉措張皇公亮一以靜鎮之專務裁抑冗費長安
豪喜造飛語聲言營卒怨望謀元夕結外兵爲亂
邦人大恐公亮張燈與賓佐驩會竟夕卒無他變
居一歲還京師旋以太保致仕元豐元年卒年八
十帝臨哭輟朝三日贈太師中書令謚宣靖配享
英宗廟庭及葬御篆碑首曰兩朝顧命定策亞勳

之碑子孝寬孝純玄孫恬慤懷從子孝廣孝蘊孝序從孫誕其四世孫從龍用虎治鳳。

曾孝寬字孟綽以陰知桐城縣選知咸平縣民詣府訴雨傷麥府詰其妄杖之孝寬行田辯其實得蠲賦除秘閣修撰提點開封府界鎮縣保甲法行民相驚言且藉爲兵知府韓維上言乞候農隙行之孝寬勝十七縣揭賞告捕扇惑者民兵不敢訴維言不行入知審官東院判刑部熙寧五年遷樞密都承旨擢拜樞密直學士簽書樞密院丁父憂除喪以端明殿學士知河陽徙鄆鄆有孟子廟孝

寬請於朝得封鄒國公配饗孔子連徙鎮以吏部
尚書召道卒贈右光祿大夫孝寬至執政時公亮
尚無恙西府迎養時人榮之

曾孝純字君施公亮卒詔遺蔭外增推恩二人孝
純爲殿中丞賜同進士出身力辭以所得官予其
族人之未仕者二十四年不改秩紹聖中擢太常
丞執政沮之遂杜門不仕治家有法子第非冠帶
不見晝日不得居內閨門肅辨家無私財別產故
其子孫獨貧

曾孝縉字處善公亮從子紹聖中管幹發運司糴

糴事建言揚之瓜州潤之京口常之犇牛易堽爲
牐旣成公私便之歷遷起居舍人時京邑有盜徽
宗怒期三日不獲坐尹罪孝蘊奏求盜急則遁盜
遠少緩當自出從其言果得盜崇寧中擢殿中監
言者論其與張商英善以集賢殿修撰出知襄州
徙江浙荆淮發運汝州議開直河以避漲溢沙石
之害孝蘊不可旣而工役大集竟成之叙功第賞
辭不受未幾河果復塞召爲戶部員外郎宣和二
年以天章閣待制知歙州方臘起清溪孝蘊分兵
扼塞境賴以安會移青州旣行而歙陷道改杭州

時賊已破杭孝蘊單車至城下城既克復軍士多
殺人孝蘊下令脇從者得自首無輒殺皆束手不
敢驚論功進顯謨閣直學士加龍圖閣學士卒贈
通議大夫

曾孝序字逢原公亮從子以蔭補官監泰州海安
鹽倉因家泰州累官至環慶路經畧安撫使至闕
與蔡京語及講議司事曰天下之財貴乎流通取
民膏血以聚京師非太平法又論明堂辟雍事曰
相公命講筵不得進讀漢史欲舉明主於三代之
隆今題猶王莽已行之法耶京勃然曰京所行無